

# სახალხო გაზეტი

სურათები და ფაქტები

გაზეტის № 694

ლაგატივის № 122

შაბათი, 8 სექტემბერი 1912 წ.



წმინდა ოჯახი. ნახტი ბრიგისა.

## „მთულთქნელი სტუმარი“

(უბკ ლამურ) დრამა 1 მოქმ. ენციკისა.

გადმოკეთებული ემილ ზოლას მოთხრობიდან.

დასასრული \*)

**ბერ.** ჰხედავ მეგობარო განგება ხელს როგორ გიწყობს?

**ლამ.** არა, არც იმდენად! (გადახედავს ფელის მოწყენით)

**ფელ.** მე ვგ სრულებით არ ვიცოდი და არც დამნაშავე ვარ.

**ლამ.** მაშ იცოდე, რომ მადაროებში მუშაობით ვიკლავდი თავსა და ვცდილობდი მომეგროვებინა კოტაოდენი სიმ-

დიდრე, ყოველთვის შენზე ვფიქრობდი, მხოლოდ შენზე. მინდოდა მეშოვნა ოქრო, რაც შეიძლება ბევრი ოქრო, რომ ჩემი ფელისი გამემდიდრებინა და გამემდინერებინა. იყო კიდევ წუთი, როდესაც ეს მიუწლომელი ოცნება მისაწლომი ხდებოდა. შევიძინე 40,000 ფრანკი, თუ რა ტანჯვა-წვალებით შევიძინე ეს სხვა კითხვაა, მაგრამ მაინც შევიძინე. მე მქონდა აი აქ შენახული ძველ ხელსახოცში; ოჰ, მქონდა შენახული მხოლოდ დიდი ხნით კი არა, მე მომპარეს და ჩემი საქმე უკან წავიდა. საფრანგეთში, რა თქმა უნდა, ვერ გამოვჩნდებოდი და აი დავიწყე ხელ-ახლად ტანტალი-თრევა. ერთხანად ვმუშაობდი ბელგიაში ქვა-ნახშირის მადაროებში, შემდეგ მონსში ვთხრიდი მიწას, როგორც თხუნელა. საუბედუროდ მხოლოდ იმდენს ვშოულობდი, რომ შიმშილით არ მომკვდარიყავი. შენ კი არა მწერდი არც ერთ სიტყვას და მეც ვფიქ-

\*) იხ. სურათებიანი დამატება № 121.

აკაკის მოგზაურობა რაჭა ლეჩხუმში.

რობდი, რომ მკვდარი იყავ; მაგრამ აი ერთ საღამო უამს ვზივარ სამი-კიტნოში და გავიგე რომ ყველა კომუნარებს ამნისტიის ძალით თავისუფლება მოენიჭათო. ვერ ავიწყერ თუ რა მომივიდა მის გავგონებაზე, რაღაც ციებამ ამიტანა. სულ იმას ვფიქრობდი მალე მოვსული-პარიზში. ისავ ფიქრი რომ შენ მკვდარი ხარ თავის-თავად გაიფანტა, წარმომიდგა რომ შენ ცოცხალი ხარ და ისევ ვიყვარვარ, როგორც წინად, რომ ჩვენი გოგონა ლუიზა გაზრდილა, გალამაზებულა, თქვენ ორივენი ქუჩაში ღვებართ და მიცდით მოუთმენლად, რომ მაგიდაზე გადაფარებულია სუფთა სუფრა, როგორც უქმე დღით და აწყვია ვაზები... ვარდები (თვალეები ცრემლით ავესება) და აი... აი იმის მაგივრად რა ვიპოვნე.

**ფელ.** ოჰ! რომ იცოდე როგორ მენანები უაკ, რომ იცოდე როგორ ვწუხვარ, რომ ასე მოხდა.

**ლამ.** გენანები?... ძალიან მოხარული ვარ. მე მგონია ცოდვა არ იქნება დაინანო კაცი, რომელსაც ყველანი ერიდებიან როგორც ჭირიანს. შენ იცი ჩემი მდგომარეობა. ყოველის კომუნარისა ეს ნამდვილი წყევლაა. არსად სამუშაო, არც ერ-



ს. წესი. ბარაკონის ეკლესია, როსტომ ერისთავის აშენებული მეთვრამეტე საუკუნეში.

გამოსვლა 5-თე

იგინივე პოლინა და ფრანსუაზა.

**პოლინა.** (კისერზე მოეხვევა ფელისს) აი, დედა მეც... ფრანსუაზამ მითხრა, დროა შინისაკენ წავიდეო და წამოვედით, მე კი მიწადა კიდევ მეთამაშნა ბაღში.

**ფელ.** (აღელვებული) სრულებით არ არის დრო, საიდან მოიგონე ფრანსუაზა ასე ადრე დაბრუნება? წადით, გაიყვანეთ ბავშვი ასეირნეთ კიდევ ცოტა ხანს.

**ფრანსუაზა.** ქალბატონო თქვენ თვითონ...

**ფელ.** გაიყვანეთ ბავშვი, როდესაც თქვენ გეუბნებით. (ფრანსუაზა და პოლინა გადიან).

**ბერრიუ.** (ლამურს ნახევარის ხმით) ნახე? პატარა ქალბატონი სანიარ? ეჰ! ჩემო ძმავ კარგად გაიხუმრეს.

**ლამური.** (გაბრაზებული მაგიდას ხელს დაჰკრავს) ჩემთან ხუმრობა არ გამოადგებათ. (ფელისს მკვახედ) მე მოველ შენთან, რომ თან წაგიყვანო.

**ფელ.** (დაფანტული) ღვთის გულისათვის დაწყნარდი. დაჯექ და



საუზმე ჭიშკრაში. (ქუთაისის განაპირას)



ს. ალაპანა. აქარის ხ ღთან მდინარე ლაჯანურაში ნაღმის აფეთქება სადღესასწაულო შეხვედრისას.

თი ლუკმა-პური და არც თანაგრძობის სიტყვა. შემთხვევით რომ ბერრიუს არ შევხვედროდი, იმედ გადაწყვეტილი, თავს დავიხრჩობდი.

**ბერ.** ეხლა მე მგონი შეიძლება ჯერ-ჯერობით თავი აღარ დაიხრჩო.

**ლამ.** მე მგონი შეიძლება (თელისის) სად არის ჩემი ქალი?

**ფელ.** შენი ქალი?

**ლამ.** ჰო! ჩვენი ქალი... ლუიზა! მე გეკითხები სად არის მეთქი?

**ფელ.** (თავს დახრის) ის მოკვდა...

**ლამ.** (სასოწარკვეთილი) მოკვდა?! ღმერთო ჩემო, ღმერთო ჩემო... ამდენი მწუხარება ყველა ერთ დღეს!



მეჭვენასთან შეხვედრა.

მოვილაპარაკოთ როგორც რიგია, რა საჭიროა ასეთი აურზაური? შენ ამბობ იმიტომ მოხველ, რომ თან წამიყვანო?

**ლამ.** მაშ, რისთვის? ეხლავე უნდა გამოიყვე, ეხლავე!

**ბერ.** ეგრე არ არის ბერრიუ? ხომ უნდა გამოიყვეს? მე ხომ ქმარი ვარ, კანონიერი ქმარი? ოჰ! მე ძალიან კარგად ვიცი ჩემი უფლება... ხომ ეგრეა ბერრიუ? ეს ხომ ჩემი უფლებაა, კმარა ნუ იქმუხნები, მოემზადე და წავიდეო. (ფელისი ჩუმად არი) რაო, არ გინდა? ჰოო ეხლა კი მესმის: შენთვის ეს საშინელებაა, მაგრამ არც თუ გასაკვირველია ამისთანა კეთილ ცხოვრებასთან ისევ წინანდელი სიღარიბე, თავი როგორ უნდა დაანებო შენს მდგომარეობას, შენს სიმდიდრეს, ამნაირ მშვენი-



მომღერალი ვანო სარაჯიშვილი.

რომელმაც წარუყვანდელ სეზონის სახანონო თეატრის საოპერო დასში ვ. პ. ფალიაშვილმა მიიწვია.

ერ ავეჯს, შენის განებივრებულის ბავშვით, ოო! არა მგონია ჩემი გოგონა ასეთ ნებიერ ცხოვრებას მოსწრებოდეს, როგორც ახლად მოვლინებული ქალბატონი სანიარ. ჯერ მოიშორა ქალი, ეხლა ჰნებაეს მოიშოროს ქმარიც? კარგი ცოლი მყევხარ, თქმა არ ჟნდა. მაგრამ ეს არც ასე ადვილი ვახლავს! შე შენ წაგიყვან, დიად წაგიყვან, და შენც გამომყვები, გესმის გამომყვები? არა—და შევატყობინებ პოლიციას და ძალით წაგათრევ აქედან.

**ფელისი.** გამიგონე, ჟაკ!..

**ლამურ.** არაფრის გაგონება არა მსურს, ეს ჩემი უფლებაა, ხომ მართალია, ბერრიუ? ხომ ჩემი უფლებაა.

**ბერ.** (ლამურს მნიშვნელობით) რასაკვირველია ეგ შეგიძლიან, მაგრამ რა საჭიროა ადელვება. (ფელისის) თუმცა კი მაგის მდგომარეობაში არ შეიძლება კაცი დამშვიდებული იყოს. იცით, კაცი უზმოზე ყოველთვის უფრო ადელვებულია და საწყალ ჟაკს კი დილიდან პირში ნაწილი არ ჩაუდვია.

**ფელ.** ახ! ღმერთო ჩემო, აბა, რა ვიცოდი, ნუ ჯავრობ ჩემზე ჟაკ! (პაუზა) მე არა ვარ დამნაშავე, რომ ეს ასე მოხდა... ღმერთმა იცის არ მინდოდა შენი უბედურება. (პაუზა) შენ რომ ჩემგან მიგელო... რამოდენიმე დახმარება... (მოძრაობა დიამურის).

**ბერ.** (მარდათ) რასაკვირველია დათანხმდება. (ლამურს) გამიგონე, ჟაკ! ეს კი დიდი სისულელე იქნება, რომ აქედან ცარიელ ჯიბით და ცარიელ მუცლით გავიდეთ. ამ სახლში ყოველისფერი საკმაოდ მოიპოვება. რა საჭიროა ცერემონია?

**ლამ.** მე სხვისი არაფერი არ მინდა. (მიდის ფელისთან და გადაქრით) მე მინდა ის, რაც მე მეკუთვნის. მე შენ მინდხარ და შენ გამომყვები.

**ფელ.** (უკან დაიწევს) ჟაკ, გთხოვ...

**ლამ.** (ყურს არ უგდებს) რად მინდა შენი თხოვნა. ნუ თუ ცოტა დამკირება ავიტანე? ხმა, კრინტი არ დასძრა, თორემ აქაურობას სულ მივანგრ-მოვანგრევ? სიმართლე სთქვი: ლუიზა ხომ შენ განგებ მოჰკალი სიმშლით. გამომიტყდი, ხომ განძრახ მოჰკალი. გამოტყდი, ხომ მართალია?!..

**ფელ.** (არ ეწინააღმდეგება) ახ! ჟაკ... ჟაკ!

**ბერ.** (ლამურს) თავი დანებე თორემ შავით საქმეს მთლად წაახდენ.

**ლამ.** (ბერრიუს) თავი დამანებე. (ფელის) წამომყვები, თუ არა?

**ფელ.** არ შემიძლიან... არ შემიძლიან...

**ლამ.** არ შეგიძლიან?!.. შენ არ შეგიძლიან! (აიღებს სკამს და მოუღერებს).

**ბერ.** (სკამს წართმევს) კარგია... კმარა... წავიდეთ აქედან.

**ლამ.** კარგი, წავიდეთ, თორემ არ ვიცი რა მოხდება.

**ბერ.** მაშ, წავიდეთ, სხვა რაღა გინდა?

**ლამ.** კარგი, წავიდეთ... (ფელის) შენ ნუ გგონია რომ ასე ადვილად გადამჩჩი, დამაცადეთ, კიდევ მოვალ და გიჩვენებთ ვინც არის ჟაკ ლამური. (გადის მარჯვნივ).

**გამოსვლა 7-დე**

სანიარ საჩქაროდ გამოდის.

**სანიარ.** რა ხმაურობაა, ვინ იყვნენ აქედან რომ გავიდნენ? (მიმავლებს უყურებს) მე გეკითხები, ვინ იყვნენ მეთქი?

**ფელისი.** (დაფანტული) ეს... ეს ბერრიუ მუშა...

**სანიარ.** პირველად მესმის ეს სახელი. კარგი ის მეორე? (კასის ფორტოქაში აკაკუნებენ. ფელისი მიდის).

**ფელისი.** რამდენს მიბძანებთ ავილოთ?

**ხმა.** 7 ფრანკი და 50 სანტიმი. (აძლევს ხურდას, მოხურავს კასის ფანჯარას და გამობრუნდება გაფითრებული და ადელვებული).

**სანიარ.** მე გკითხავ, ვინ იყო ის მეორე? რას გაჩუმებულხარ? მიპასუხე.

**ფელ.** ეგ... ის იყო.

**სან.** ვინ ის?

**ფელ.** ჩემი ქმარი.

**სან.** შენი ქმარი?

**ფელ.** ჰო ჟაკ ლამურ დაბრუნებულა.


**სან.** ჟაკ ლამურ, რომელიც შენ მკვდარი გეგონა?

**ფელ.** (კრემლებით) სწორედ ის, დაბრუნებულა და ჩემი წაყვანაც უნდა.

**სან.** წაგიყვანოს შენ აქედან, წამართოს შენი თავი? ამის შემდეგ ნამდვილი გიჟია ის შენი ჟაკ ლამური.

**ფელ.** არა გიჟი კი არ არის... ის მე ძალას მატანს, მე ვუთხარი ეს არაფერს ემსგავსება მეთქი, მაგრამ იმას არაფრის გაგონება არ უნდა, ყვირის და გვემუქრება, ყველას დაგზოცავთო.

**სან.** მაგის მუქარა საშიში არ არის, საშიში უფრო ის არის, რომ შენ ეგრე ადელვებული ხარ. დაბრუნებულხარ? მერე რა არის საჩუგისო, მე მგონია ეს იმას არ ნიშნავს, რომ მე შენ თავს დაუთმობ. ძალიან კარგად მესმის, რომ ეს მდგომარეობა სერიოზულია, მაგრამ არ არის მდგომარეობა საიდნაც არ შეიძლებოდეს თავის დახწევა. და, დარწმუნებული ვარ, და-



ხარკოვის წერა-კითხვის გამავრცელებელ საზოგადოების სახალხო-სახლი, იხილეთ „სახ. გაზ.“ № № 692 693.

ვახწევთ კიდევ. მე თვითონ მოველაპარაკები ლამურს და ვნახავთ ვინ გაიმარჯვებს.

**ფელ.** მაგ ლაპარაკს მოჰყვება ჩხუბი და მაშინ... რა დამეპართება... რა დამეპართება... (მივა იმასთან და ახლოს დაჯდება, ტირის)

**სან.** იმედი მაქვს, რომ ის მე არ შემეპას.

**ფელ.** (განაგრძობს ტირილს) ოჰ! ღმერთო, ჩემო რა უბედური ვარ...

**სან.** კარგი, გეყოფა ფელისი, თავს რაზე იკლავ ღირს. კი მაგისთვის შეწუხება... ხო, კარგი... კარგი. (შემოდის პოლინა შეხედავს მამას. მამის ნიშანზე მიდის საჩქაროდ დედასთან).

**გამოსვლა 8-რე**

იგინივე და პოლინა.

**პოლინა.** დედა, რადა ტირი? ჰა, ვინ გაწყენინა?

**ფელისი.** არავინ, არავინ ჩემო მარგალიტო.

**პოლინა.** თავი დაანებე ტირილს, თავი დაანებე... გინდა მე ცრემლებს მოგწმენდ? შეიძლება? (უწმენდავს ხელსახოცით ცრემლებს).

**სანიარ.** (ცოლს) ეხლა გაიარა?

**პოლინა.** დედა, ღმერთმანი თუ კიდევ იტირებ, მეც ტირილს დავიწყებ.

**ფელ.** ეხლა გაიარა. (კოცნის ქალს. შემოდის ლამურ და ბერრიუ. დანახავს ბერრიუს) კიდევ ის! (ლამური ფელისს მიუახლოვდება სანიარი საჩქაროდ შუაში ჩადგება. ფელისი მოიშორება დროს, პოლინას მივარდება და საჩქაროდ გააქანებს მარცხნივ კარებისაკენ. სანიარი და ლამური ერთმანეთს უყურებენ. (პაუზა).

**გამოსვლა 9-რე**

სანიარ, ლამურ, ბერრიუ.

**სანიარ.** თქვენ ჟაკ ლამური ხართ?

**ლამურ.** დიახ, გახლავარ თქვენი მონა-მორჩილი.

**სანიარ.** ღიად სასიამოვნოა, თქვენთან მოლაპარაკება მინდოდა.

**ლამურ.** მე სრულებით არ მსურს. მე მოველი ფელისისთან, საქმე იმასთან მაქვს.

**სან.** სულ ერთია, მე მინდა თქვენთან ლაპარაკი და არ მესმის, რად შეუზნებით უარს? მე მგონია ჩვენ ერთი-ერთმანეთისათვის ავი არა ვიქნითარა.

**ლამ.** (ყრუდ) უფრო კარგი... მაშასადამე მე თქვენთან არავითარი საქმე არა მქონია, მე მსურს მოველაპარაკო ფელისისს.

**სან.** (თავდაქერილი) თქვენ შეიძლება გსურდეთ, მაგრამ მე კი მაგის ნებას არ მოგცემთ. რადგანაც ჩემთვის ძვირფასია ფელისის ჯანმრთელობა. ჩვენ შეგვიძლიან უიმისოდაც მოვილაპარაკოთ, და დარწმუნებულიც ვარ ყველაფერი რიგზე დაბოლოვდება, თუ თქვენ იქნებით კეთილ გონიერი, და ცოტათი მაინც გიყვართ ის.

**ლამ.** (გაბრაზებით) იქით დამეკარგეთ თქვენის კეთილ გონიერებით, მე მაგისათვის არ მცალიან.

**ბერ.** (შუაში ჩადგება) ლამურ! კმარა, შენ ხომ დამპირდი...

**ლამ.** არაფერსაც არ დაგპირებია, მხალაო, მშიშარავ!

**სან.** გამიგონე, რა საჭიროა სუ ყველა ეს? აბა, შემომხედა მე როგორ ვიქცევი! თუ ჩვენ ორივენი გავცხარდებით ერთმანეთისას ვერაფერს ვერ გავიგებთ. (პაუზა) მაგრამ მაინც და-მაინც თუ ძალას მატანთ, შემიძლიან დაუძახო ფელისს, მხოლოდ ერთის პირობით თუ დამპირდებით, რომ თავ დაქერილი იქნებით, რადგანაც ფელისი ეხლა ძალიან ადევლებულია და არა მსურს, რომ ამ ლაპარაკში უარესი დამართოს, ეს კი, მგონია, თქვენთვისაც ისეთივე დასანანი იქნება, როგორც ჩემთვის.

**ლამ.** (შეწუხებით) მეც ვგრე მგონია, თორემ მოგკლავდით, არა თუ თქვენთან ლაპარაკი დამეწყა.

**სან.** ძალიან კარგი, ეხლავე დაუძახებ და ცალკე მოელაპარაკეთ, რასაკვირველია ეს თქვენი უფლებაა. (კარებიდან ეძახის) ფელისი, ფელისი. (სიჩუმე) ფელისი მოდი, მოდი მეთ-

ქი ნუ გეშინიან, ამან სიტყვა მომცა რომ წყნარად ილაპარაკებ. (შემოდის ფელისი ნამტირალევი).

**გამოსვლა 10-თე**

(სანიარ მიდის ფანჯრისკენ და ისე აჩვენებს თითქოს ყურს არ უგდებდნო).

**ლამ.** გამიგონე ფელისი, შენ ხომ იცი, რომ მე არ ვარ რომელიმე ბოროტ-მომქმედი, შენ კარგად იცი... და თუ მე ასეთი ბოროტი გავხდი, მხოლოდ დღეიდან, დიახ მართალია მე თქვენი მოკვლა მინდოდა, მაგრამ მოვისაზრე, რომ ამითი ვერაფერს მივალწვედი, სასამართლოც ბევრს ვერაფერს მიშველიდა. ამ საქმეში მხოლოდ შენ შეგიძლიან იყო მსაჯული: როგორც შენ გადასწყვეტ, ჩვენც ისე მოვიქცევით. ჩვენ ორში რომელსაც ამოირჩევ ის იქნება მართალი. აბა, მიპასუხე... რომელს ირჩევ?

**ფელ.** (ძლივს ლაპარაკობს). შენ მეკითხები რომელს?

**ლამ.** ჰო, რომელს—იმას თუ მე? (ფელისი ჩუმად არის) რაღა თქმა უნდა იმას, მე ვგრეც ვიცი, წინდაწინვე ამას ვგრძნობდი. არ გეგონოს, რომ მე შენზედა ვჯავრობ. ძალიან კარგად ვიცი რომ სხვა მხრივ არ შეიძლება მომხდარიყო. მართლაც და რა ვარ მე? უბედური, დაკარგული მათხოვარა. მე რა სასიყვარულო ვარ, როდესაც მაგან გაგამდიდრა, გაგაბედნიერა... და მერე, ქალიცა გყავთ... (ფელისი ტირის) რათა სტირით? თითქოს გაყვედრიდე! რა უყოთ, ასე მოხდა!.. ეხლა შეგიძლიან მშვიდად დაიძინო, გაძლევ სიტყვას რომ არას დროს აღარ შეგაწუხებ, ველარც მნახავ და ვერც ჩემს შესახებ გაიგონებ რამეს. მშვიდობით... (მიდის გასასვლელ კარებისაკენ, სანიარი შეაყენებს).

**სან.** თქვენ პატიოსანი კაცი ხართ, ჟაკ ლამურ, კეთილშობილი. ძალიან მეწყინება თუ ჩვენთან არ ისაძლიებთ და ისე წახვალთ, როგორც უცხო.

**ლამ.** არა, დამითხოვეთ.

**ბერ.** ნუ თუ უარს ამბობ?

**სან.** თუ თქვენ ჩვენთან სადილის კამაზე უარს ამბობთ, იქნება დათანხმდეთ ერთ ბოთლ ღვინოზე. თუ ამაზედაც უარს იტყვით, ძალიან მაწყენინებთ. (ფელისი უყურებს ლამურს მუდარის სახით) ჰა, რას იტყვით, დავლიოთ?

**ლამ.** (დასძლევს თავს) კარგი, დავლიოთ.

**ბერ.** (მხიარულად) აი, ეს მესმის?..

**სან.** (გახარებული) ფელისი, მოიტანე მარდათ ოთხი ჭიქა, ყველამ უნდა დავლიოთ. (ლამურს) რომ იცოდეთ რა მადლობელი ვარ, რომ უარს არ ამბობთ. ვერ წარმოიდგენთ რა მოხარული ვარ, რომ გხედავთ გულწრფელსა და პატიოსან კაცს... მოხარული ვიქნები თუ მივაჯახებთ ჭიქებს.

**ბერ.** მეც ძრიელ მოხარული ვარ. (მხარზე ხელს დაარტყავს ლამურს) შენც გამხიარული, გეყოფა შუბლის შეკვრა. (ლამური ნაღვლიანად იღიმება. ფელისი ღვინოს ასხავს. პატარა პაუზა).

**სან.** იცოცხლეთ! (ჭიქებს მიახლიან).

**ლამ.** თქვენც იცოცხლეთ. (ფელისის ჭიქას არტყავს, ჩუმად სმენ).

**ბერ.** აი, ღვინოც ამას ჰქვია!

(იგინივე და პოლინა კარებიდან).

**გამოსვლა 11-ტე**

**პოლინა.** (კარებიდან) დედა! დედა!

**ფელისი.** მოვდივარ... ეხლავე!

**ლამურ.** (ჭიქას დასდგავს, ხელს ჩაიქნევს) აბა, მშვიდობით ნუ მომიგონებთ ავად!..

(გაღის თან მიჰყვება ბერრიუ).

ფ ა რ დ ა.

6. გოცირიძე.

